



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Mariae Gratiani A Burgo S. Sepulchri Episcopi  
Amerini De Vita Joannis Francisci Commendoni Cardinalis  
Libri Quatuor**

**Graziani, Antonio Maria**

**Parisiis, 1669**

Cap. X. De nationali Concilio per Commendenum rejecto.

**urn:nbn:de:hbz:466:1-9616**

vnum ex duobus fieri præceperit, penitusque alterum alterius voluntati subjecerit, & fœdere sempiterno, & indissolubili junxerit, sic ut justi conjugii solvendi, dirimendique jus ne illi quidem ipsi reliquerit, quem potestatis suæ vicarium inter homines constituit. Hunc igitur, aliisque perniciosis opinionibus per Poloniam gransantes Commendonus cùm apud Principes, & maximè apud Regem redarguens, crebris sermonibus incesseret, tenuit, ut Senatusconsultum fieret, ut exteri hæretici omnes à Regno abire cogerentur. Ita Ochinus Poloniâ excessit, ac omnibus jam terris extorris, ac profugus, cùm in vili Moraviæ pago à veteri amico hospitio esset acceptus, ibi senio fessus cum vxore, ac duabus filiabus, filioque uno peste interiit.

*De nationali Concilio per Commendonum  
rejecto.*

C A P U T . X .

**E**X PURGATA perditis hominibus Poloniâ, & illis seditionum flabellis amotis, facilius fuit gentis quoque ipsius licentiam paulum cohబere, & à templis sacerdotibꝫque vim, atque injuriam prohibere: sed hæreticorum capita, in quibus erant Principes nobilitatis, & homines summæ potentia, & magnæ cùm apud multitu-

dinem , tum apud Regem gratiæ , & auctorita-  
tis , quanto intentiùs rem agi à Commendono  
intelligebant , tanto ipsi acriùs causæ , consiliis-  
que incumbere. Unum erat , quod summè opta-  
re , summâque moliri ope videbantur , vt gentis  
Concilium , quod vocant nationale , cogeretur ,  
in quo sine vlla auctoritate Pontificis Maximi de  
vniversa religione inter se , prout ex ipsorum usu ,  
atque Republica visum esset , constituerent : &  
nacti Archiepiscopum cogitatis eorum opportu-  
num , cuius dignitas pariter in sacerdotum ordi-  
ne , atque in Senatu emineret , ipsius intimas spes  
pollicitationibus fovebant , incitabantque , rati  
maximè per eum effici posse , vt tale Concilium  
haberetur. Eòdem intenta cupido Ucangii Ar-  
chiepiscopi rapiebatur ob eas , quas suprà attigi-  
mus causas. Id ergo vnum dies atque noctes fe-  
cum volvebat , id clàm cum Frisio quodam inti-  
mo amicorum coquebat , homine obscuro quidem  
genere , sed Catholicæ Ecclesiæ , ac prisca pie-  
tatis insectatione nomen adeptus , adversus quam  
scripta à se multa volumina foras dederat. Neque  
hæc quidem consilia Ucangii , & machinamen-  
ta hæreticorum Commendonum fugiebant ; sed  
quemadmodum intentissimo studio id agebat , vt  
ne iis quidquam procederet , ita dissimulanda ,  
quæ ad se de Ucangio deferebantur , statuerat.  
Quòd in tali tempore , in tantis hæreticorum o-  
pibus tantam vim hominis divitiis , amplitudine  
honoris , amicitiis adversariorum pollentis mini-

*Friccio; is est Modrenius*

mē exagitandam, irritandāmque, ne in apertam  
turbam erumperet, rebatur; eo minus, quod  
ne Rex quidem talibus cogitationibus abhor-  
rebat, cui multæ incommodæ opiniones ab  
hæreticis, atque ipso Ucangio inculcatæ in ani-  
mo infederant, in quibus evellendis magnum in-  
" de negotium Commendono fuit. Sed cùm sæpe  
" eum studiosè docuisset, quàm ea res ad publicæ  
" quietis, jurisque, & imperii sui conservationem  
" pertineret, cùm quidquid hæreticis, & multitu-  
" dini semper turbidæ, ac plerumque in suam per-  
" niciem furenti adjiceretur jurium, id totum de-  
" trahi majestati ejus necesse esset: vix eos tot le-  
" gum auctoritate, tot scitis, exemplisque majo-  
" rum oppositis sustineri; quid si juris aliquid pu-  
" blici illorum audaciæ adderetur, fore? Quid in-  
" de non timendum turbarum, ac seditionum esse?  
" In Gallia biennio antè Regem puerum, & sui  
" non satis gnarum, quàm imbecillitate matris, quàm  
" infidelibus suorum consiliis inductum hæc feci-  
" se, vt Poysii habito Regni conventu discepta-  
" tor ipse, matérque inter Catholicos, hæreticos-  
" que consideret. Num aliud eam coitionem,  
" quàm initium tumultuum fuisse, ac veluti buc-  
" cinam civilium armorum, atque classicum ceci-  
" nisse? ita ab illa disceptatione discessum ad vim,  
" atque ad bellum, cuius finis nullus cerneretur,  
" fuisse. His Regis animum nihil magis, quàm in-  
testinos motus, atque vim formidantem, à tali  
cogitatione penitus avertit. Itaque cùm agitata  
res

res in Senatu esset instin&tu hæreticorum , Rex mentionem ejus præcidit professus de sacrorum jure statuere nihil ad se pertinere. Nam non ab Episcopis modò , sed à multis præterea Senatoribus acriter , & constanter defensa religionis causa fuerat : quorum Stanislaus Volskius Castellanus Ravensis non privatis vnius populi , aut gentis conventiculis conflari , & scisci divinarum rerum jura , & colendæ Christianæ pietatis rationem dixit, quæ omnium salutem contineret: sed in legitimis , atque oecumenicis Conciliis tradito à majoribus more ex Dei præcepto decerni , atque constitui. Atque ego , inquit , Auguste , “ te quidem Regem meum libenter agnosco , & “ confiteor : Pontificem Maximum esse mihi non “ dubitanter nego. Ucangium ipsum palam profi- “ teri furorem non audentem , ne inde auctorita- te Pontificis Maximi , & rei invidiâ , & consen- su bonorum opprimeretur , partim per se in offi- cio continebat , partim per Episcopos , Catholi- cosque alios conatibus ejus obviām ibat. Et ille dum suos occultare studet sensus , atque utiles quoque interdum sententias in Senatu dicit , & venditans se Commendono cum hæreticis alter- catur , ne illi quidem ipsi satis fidere ingenio ejus cœperant , quam suspicionem Commendonus studiosè alebat ; atque ita hominū pro præsen- ti usu habebat. Sed ille in hanc cogitationem in- cubuerat : & cùm Tridentinorum decreto Pa- trum iussi Archiepiscopi omnes essent , suæ quis-

S

que provinciæ conventus agere ad res Ecclesiasticas ex scitis eorum ordinandas, Ucangius aptam cogitatis suis occasionem arripuit, & studium parendi Patrum auctoritati præ se ferens, consilium convocandi Synodum cum Commendono habuit, & reliqui Episcopi, & ferè optimus quisque Synodum expetebant. Idem Commendonus maximè omnium probasset, nisi suspectum Ucangii ingenium habuisset: verùm ne salutari rei, & in eam consentienti bonorum studio vnum adversari, qui pro officii sui munere favere maximè debebat, videretur, Petricoviam, sic enim convenerat, indici patitur Synodum. Interea observat Ucangium, ejusque consilia quām potest diligentissimè explorat, à quo vt occulte invitatos hæreticos, capitāque eorum se comparare, vt Concilio interessent, comperit, per Nicolaum Volscium Episcopum Chioviensem, vnum eorum, quos maximè deditos sibi habebat, Regem, quæ clām agitarentur, certiorem fecit, caverique initia civilium discordiarum monuit. Itaque ex auctoritate Regis per litteras ab Ucangio pariter, & à Commendono petentis, vt ea Synodi coactio in pacatius tempus differretur: rejecta res est, & Ucangii machinationibus sine motu ullo occursum, & magni negotii discrimen Commendoni folertiâ vitatum.

